

武寧縣中陳雲章纂

寓

古今昏旦乾坤逆，人而傳地，常主玉枕之靈，修江之渚，半榻雲山，一盤風雨，昔賢經猶存，幾矩柳旣石峯，蘇亦有圃，遠近相望，或出或處，光被泉石，芳流菴林，一載匪迺遺跡可數，中在茲尚其欽而志寓賢

唐

惟深本傳字夷曠本名載河東人天寶初擢第除浙江衢州

司馬樂官隱武寧山中築精舍讀書奉公不書走幣皆謝絕不就後徵拜監察御史乃起仕至中書門下同平章事封宜城伯諡曰貞後人遂名其棲隱處曰柳山柳

按柳渾舊志訛作柳惲據柳柳州集改正 梁志

按唐書本傳載渾梁僕射六世孫以家寧州早孤天

寶初擢進士第調單父討累除衢州司馬藥官隱武

山輿地紀勝云柳山在武寧縣西唐史柳渾棄召官隱居武寧山即此有讀書臺遺址尚存

拜監察御史大歷初江西魏少游表為判官俄遷袁

州刺史又路嗣恭嘗表為豐城令見府志名官

柳識字万明

一作萬明

渾口兄官屯田

集賢殿學士工文

章

蕭穎士元德秀劉禹齊名天與中同渾隱武寧詩

酒上適七

金方之

裴倩字容

州聞喜人宰相裴光庭子官度支郎中初

以其族行浮彭蠡泝修江至於武寧與柳

蕭定字梅

交倩于郇國公均時蓋從遊焉

皇一幸聞私

諸公隱武寧乃巾車來遊相與賦泉題

石臺墨未乾傳詠已遍同時如秘書少監范陽盧虛舟

左庶子隴西李勛給事中汝南袁高將作監河南元巨

俱宿德重望咸棲遯山中修水數百里內詩筒遊履後

先絡繹可謂一時之盛

俱見海昏集

張寧字康叔洛陽人登進士德宗建中間陞國子祭酒立

朝蹇諤忤盧杞棄官慕柳渾之風來武寧至紫鹿岡青

牛洞慨然曰紫鹿青牛非方外人不可狎乃止居焉今

武寧張氏皆寧後也

馮志

王權九江德安人唐天復進士歷官兵部尚書晉天福三

年遣使契丹權以老病辭晉主怒停其官遂隱於武寧
蘆桐坪今武邑王氏多其後裔梁志

宋

韓魏國公琦相州人天聖五年與邑人葉頤言同登王堯
臣榜頤言為名進士琦訪諸南鄉及縣治登四望山芙
蓉萬疊雲樹千層心目為之駭宕遂建四望亭賦詩志
之有西北雲高拂女牆危亭虛豁望中長之句刻劃精
工殊非泛響全詩載藝文

周惇頤字茂叔號濂溪道州人主簿分寧時往來修水嘗

留邑中葺

邑人因建尊賢坊以誌仰慕焉舊志

黃庭堅字

號山谷分寧人與邑處士鄭郊老禪法安
過從詩酒流連彌月不去凡靈巖秀谷多

迹尚存 山谷集

蘇軾字子瞻

分寧人嘗訪山谷於分寧復由武寧

如富川邑下

有三賢墩以濂溪東坡山谷得名舊有

三賢堂今廢

李綱邵武人以紹興五年除江西安撫制置大使知洪州

嘗沂修水臨艾城登四望山山舊有亭建自韓魏國公

琦公流連四望南有柳岳北有神童西有羅峯東有石

鏡修江中流如練繚繞亭麓遂不忍斯亭之圯也命邑

人葺而新之至今猶存勝蹟云

按西江古蹟註韓琦四望亭詩云李綱過武寧城西

喜其山川之秀命立亭名四望琦屬北宋綱屬南宋

詩作於前亭建於後何其謬也今訂正之綱重葺者

近是

費本良江夏人官隆興路通判奉諭鎮守涇濱見山川秀麗土田腴美遂家涇濱為武寧費氏始祖遺風習習然自近及遠至今未艾紹興辛未進士費義皆公族也

李文定公燭字敬子海昏人接壤豫寧師事朱紫陽講學宏齋以道自任進士李自得嘗迎公主講艾城學者皆宗之邑東李氏嘗構柏墅以待公遺址尚存墅曰柏墅松墅鶴墅

謝枋得字君直號疊山弋陽人宋寶祐間中經義科咸淳五年謫居興國軍德祐乙亥恭帝蒙塵乃棄家遠遊復入九宮山真冠雜處時或擊劍悲歌人莫能測也有

詩見藝文

復古戴

古號石屏工詩江湖四子之一也未遇

時流寓中某翁愛其才妻以女留三年始歸其妻死節事詳元史有辨詳古蹟

揭傒斯字曼碩豐城人元延祐初為國史編修前後三入翰林追封豫章郡公諡文安少處窮約成宗大德間出遊湘漢道經武寧至太平山愛其林巒幽邃讀書道觀中有太平山雜咏載藝文

范梈號德機臨江清江人耽詩工文用力精深以朝臣薦為翰林院編修官後出為湖南嶺北道廉訪司經歷司以養親辭嘗遊武寧有詩見東坊集元史

明

楊廉字方震豐城人明世宗朝仕至南京禮部尚書贈太

子少保謚文恪學者稱月湖先生所著有太極圖纂理
學名臣言行錄及淨稿續稿諸書領解後應聘修武寧
縣志谿谷川原之勝畱止彌歲遊履殆遍

朱多為字貞吉寧獻王孫也善詩歌兼工繪事嘗變姓名
爲來相如輕裝出遊踪跡遍吳楚間歸而掩關却掃以
倦游名其詩邑人余弼建安王儀賓也以詩名江國尤
好多為畫而多為亦酷好弼詩兩人者相與莫逆頗盡
嫺婭友朋之樂多為訪弼於賓陽莊愛其山水幽濶
連數月不忍去爲作賓陽莊圖布景設色曲肖佳境人
以配弼川圖

國朝

維典

建昌縣月明崇正間兵科給事後退隱嘗

遊武寧

及其洞壑幽逸流連不欲去野服素履日

與樵牧

往復嬉笑時人莫識也

杜果號覺菴

知人進士授翰林院庶吉士改御史巡按

浙江以廉明著嘗遊武寧周覽溪山勝概卽境賦物今

鮑公生祠

卽儒學司
訓公署

山高水長四大字遺筆尙存

鄒反拱字謙受新建人順治戊戌進士官翰林檢討晚年

邱壑自怡擇地居武寧小流山中遂卒於此

王世章號訥夫九江瑞昌人博聞強記經術湛明又氣節

高尚與之遊者悉以古朋友相獎勵故寓武最久而卒

困於諸生惜哉

李應熙字屯菴湖廣興國州人乾隆壬戌進士官翰林院

庶吉士工詩遊武寧棋枰談麈所至傾倒尤樂與奇杰

士交切劘議論慨然以古人相期許性耽山水鐘鼎山
長墅源燕子巖諸勝處流連徃復多所題咏

周孔從號白亭本郡寧州人壬戌進士官翰林院檢討每
蒲帆上下與邑人士飲酒賦詩淋漓傾倒彌旬月不倦
時論以郭李仙舟况之後卒於官著有白亭詩鈔

趙由儀字山南南豐人乾隆辛酉舉人性倜儻能詩一時
名人皆樂與之交嘗遊武寧與紳士大夫多浹洽著有
漸堂詩爲盱江才子之一

熊爲霖字浣青號學橋新建人以解元中乾隆壬戌進士
官翰林院

江湖修

帆數百里詣字雲巢暨賓竹堂相與講學

論文

不倦時富川李屯菴南豐趙由儀戈博三

徐同之石焉所過名山溪洞慷慨咏歌山靈多藉以
生色晚之士講鹿洞參議盧浙游其門言及邑先輩猶
爲之於邑增

按馮志寓賢甘羅柳渾張寧李質凡四人武寧固僻
壤不數見於紀載而山林之奧衍谿洞之幽異未始
不足與名區相比擬特傳之有幸有不幸耳粵稽志
傳柳貞公隱武寧時裴袁蕭李諸公一時選勝偕至
流連唱和極巖壑烟霞之樂逮夫宋元諸賢亦皆探
異搜奇咏歌泉石昔人遊憇之地今畧爲採輯錄其
可徵者亦足以見溪山森秀迥絕塵寰爲高賢所傾
慕如此至如舊志所載甘羅旣荒忽無據而李質所
寓之得日觀在寧州旌陽山已見唐詩紀事故刪去

武寧縣志卷之二十四

武寧縣知縣閩中陳雲章纂

列女

陰陽之義妃乾以坤婦效其順永貞是敦斷臂封髮彤
史流芬之死靡他甘苦惡論惟武之區水潔山寒礪德
獨行常鍾於人余婦盡節三說誓信葉母脫姑厓石爲
韞竹扉古井地氣則然紀厥幽懿以範彝倫志列女

宋

昇仁鄉冷潭妻張氏紹興間叛將李成寇武寧家人爭先避
難張氏讓肩輿與長姒乘而自徒步賊追急赴水死

長樂鄉洄溪余釗妻李氏釗死長子大任方一歲次子大川
甫一月父母屢欲奪其志李立三說以誓不變一曰爲人

子當盡孝二曰爲人臣當盡忠三曰爲人婦當盡節卒不可強舅思聰目盲姑潘氏亦老病朝夕侍湯藥不少懈嘉定間旌表節孝後二子皆貴顯

冷元革妻吳氏嘉定初賊殺元革吳氏伏身替刃而死元革遂得復生

冷日華妻聶氏日煥妻董氏日起妻瞿氏景定元年遭亂寇至姊姒三人誓不受污連袂赴小塘水死

冷大章妻蕭氏少遭亂賊擄罵賊而死

竺梅英西門外竺壽翁女許配冷門未嫁夫死終身守節時稱竺夫人東門外石橋其所建也

冷幼發妻聶氏德祐元年遭兵掠義不受辱罵不絕口被割舌死

元

戴氏婦未詳其姓初戴復古未遇時流落武寧婦父憐其才以女妻之復古故有妻已而作歸計婦問其故告以實婦白之父父怒婦宛曲解釋以奩具贈復古仍餞以辭既別遂赴水死辭見藝文有辨詳古蹟

明

長樂鄉盧鵬舉妻聶氏豐田人年二十有子伯軒方一歲舉卒於外訃聞泣欲相從地下其家防守甚嚴數月不遂乃托紡績以紿守者伺之稍懈遂自經死

盛善才知縣盛文郁孫女也故籍錢塘許配仁和潘有成未嫁成天死才奔喪會水淹舍漂成尸才痛哭幾絕誓以終身不二後隨祖任武寧祖父卒於官遂家焉才乃招有成

魂以葬歲時祭必痛哭撫弟遺孤如海如江皆成立卒年七十葬石窩山一日石合其壠人謂其勁節所致善才詩見藝文

三碁盧貯妻夏氏德安縣夏以高女年二十一貯死子國良甫半歲姑崔氏老且病手足莫能舉食則匙之於口矢溲則負之如廁如是者五年而姑卒一夕夢夫來告曰吾寒甚顧其衣若墮水然覺而心驚詰朝往墓所啟穴視之則積水滿壙棺已朽矣泣抱骸骨歸寢所十三年始卜地而葬焉宏治間年八十詔旌其閭

盛珏妻李氏年十九珏死無子祖姑盛善才賦詩隱諷以觀其志李有誓章與善才縞素相依五十餘年足不踰戶庭其夫忌日及歲時致祭盡哀至老不衰卒年七十有七

余用義妻王氏王仕敬女適義二載生子永寧方八月義以商亡王氏日夜悲痛幾不能存及骸歸抱寢於衾四十餘年不忍釋其骨隱隱有殷痕人以爲精血所感云

蔣愛貞順義鄉人少納徐貢陳聘未嫁而貢陳死愛貞破鏡殉葬煢煢一室衰絰自存有富暴欲謀娶之卒不敢奪其兄蔣曰貴故遺孤方二歲嫂陳氏年十九與愛貞苦志同守愛貞年六十七陳氏年六十五以雙節全穆按院有詩旌之邑令馮其世雙節婦傳見藝文

黃土彭玉韜妻李氏年二十韜卒遺腹子天儀舅姑老病百計營養撫孤以自全壽九十六終

余福熙妻王氏熙死於商遺子遠山方一歲氏經營百計歸葬遺骸舅姑欲奪其志截指自誓已而遠山又死其婦李

氏見姑守節失所侍卽自盡姑救甦泣曰吾老矣爾何可死遂同堅守事姑撫子以終有司以雙節奏請旌之

楊淮妻汪氏正德間以節烈旌表

武橋葉茂浩妻王氏字珍香破石人嫁甫周夫亡遺腹三月生子凌霜時年十七有富人賂其伯強欲娶之珍香砍斧示信寧死不從萬歷三年知縣胡東陽表其門

庠生聶一經妻冷氏年十九經歿遺孤允元方一歲父欲奪其志斷髮自矢未逾年姑亦寡遂與姑同室侍姑甚謹姑病篤則涕泣籲天願以身代人皆稱其孝節云允元太學生

三港盧燧妻張氏字金玉年十四適燧生二子夫死又遺腹一子父母謀欲奪之誓死不從時方二十一歲叔亦早世子姪零丁皆賴玉苦節以撫之年近九十卒

新縣鍾本器妻余氏年十九器歿遺腹三月家甚貧翁令姑勸之別嫁余氏以有孕願自紡績奉養比生男爾靜翁又逼令出余氏投繯幾死竟不能奪卒年六十餘

陳氏中潢盧由燿妻也燿巨富父子兄弟五人皆庠生子姪亦眾多以疫俱死陳氏痛夫翁絕祀乃獻腴田若干畝入祖祠存祭而自經以殉年纔二十九歲人以真節孝稱之石口胡輔妻張氏字秋姑生子歲餘而輔死張抱子日夜哭泣哀毀成疾又以凶荒饑饉賦役煩苦父母憐之勸其別適張乃泣語舅姑曰家不可破節不可奪吾其以死濟乎苦節五十餘年而卒

井頭汪潞妻盧氏字瑞香年十六生子以欽五歲以均二歲潞死伯叔利其產諷欲奪之不可又百計相傾軋盧卒隱

忍支持領婢朝夕紡績勞瘁疾苦撫子以終

山前萬一章妻盧氏字珍玉年二十生子曰明及晬而章歿時家貧歲荒有陰商母家佯令歸寧謀別出者盧覺抱其子向夫几呼天號泣願以死從遂閉門不出日唯紡績延活以撫其子年九十卒

張泰新妻李氏官田李盛大女年十四生子方在襁褓泰新死孤苦萬狀時有欲奪之者李以死誓卒大其家年八十

終子謨孫思聰廩貢

後街李明鳳妻汪氏字滿姑并頭汪孟禎女年二十鳳死有子善向甫半歲矢志自守巡按喬廉其節旌之

赤岡劉鳳儀妻張氏字玉姑張選學女生二子長三歲次四月乙酉闖賊至倉皇抱二子匿山中賊搜得之欲見辱玉

姑大罵曰吾秀才之女秀才之妻豈從汝賊也遂見殺

羅墩庠生盛彌俊妻林氏以闖賊之亂同長媳萬氏副媳王氏徙避他所聞俊被害哭曰夫子死國難妾當死夫難萬氏等曰姑死婦寧獨生邪遂相抱赴水而死

盛氏服姑盛彌俊之女也年十五避賊山中賊搜獲欲污之女抵死不從驅至龍潭寺前賊又誘之女張目大罵遂投崖而死

廉村葉德南妻周氏字冰英上堡人乙酉流賊掠鄉村周挾幼子扶姑走避賊猝至奔竄山莽間賊獲姑將刃之周急出跪泣請以身代遂抱姑項不肯釋賊舍姑擁周以行至疊蓮洞側賊甘言誘之周度去姑已遠厲聲曰偕汝來者代姑死今不殺我欲何爲我頭可斷決不可以他求也請

速就刃賊卽麾刃示怖周踴躍就戮不少顧賊復釋刀曰爾不畏死耶其如幼子何徐引周袖周挈袖大罵擲石擊賊中賊首賊怒甚周與幼子皆遇害有同村婦匿叢棘中竊識之以告德南奔視則見首被數刃口面皆破手猶結襟執石作擊賊狀時年二十六也鄉人哀之稱其地曰孝烈坡邑秀才羅任俊有文紀其事

碣頭王廷桓妻盧氏崇禎間建坊旌表

按幽閩之節本難言而節烈尤難得舊志所收多以撫子享名如宋之冷婦赴水死割舌死及明之盛婦赴水死葉婦擊賊死煌煌大節有關於綱常名教並未採入特表出之

國朝

球場盧士瀚妻周氏上堡周曰隆女年二十而寡遺腹三月誓死守節生子圖龍撫之成立順治丙戌領鄉薦後選汀州司理迎養於任卒年六十七巡按吳贊元題請旌表魯溪劉潔吾妻盧氏生子一歲餘潔吾墜馬死盧痛不欲生以舅姑老強起奉侍有利其產而欲煽奪之盧置一石於臥內誓曰有逼我者決命石下乃垂簾爲止步之限出入唯一婢將命內戚亦罕見其面年七十八終流寇掠境盧攜子孫匿穴洞中寇薰以火卒得免事見雜記

月田田萬頃妻盧氏年二十夫亡子甫二歲時當鼎革兵荒之餘咸勸他適盧氏矢志自守與孀姑閉戶紡績課子孫誦讀卒大其後年八十二終

瓜源呂紹蔡妻孟氏合婚甫十日蔡遊江南死於盜孟氏痛

哭矢守家人以其年少頗難之孟氏奉環刀跪伯前曰有負呂門者請死刀下遂泣涕再拜而人足不踰闕凡四十餘年卒

余子楨妻盧氏嫁七年而夫喪子穉家窘盧氏誓以襁兒乞丐必不再醮日任薪汲夜勤績紡艱難撫子卒以節終黃陂張越啟妻杜氏坊市庠生杜棟女年十五生子希聖一歲而夫故內唯八旬老姑外無暮親可倚杜截髮自矢紡織課子備歷艱辛卒年七十八希聖餼於庠督學沈翼機廉其節表之

石坪余應觀妻盧氏由德女事姑甚孝觀他出姑與叔皆病臥夜半虎破壁入室並攫出盧急逐之虎棄叔取姑行里許盧追及奮挺大撻力與虎爭虎逸去乃負姑歸時盧氏

懷娠明日臨產力盡大呼而絕人皆奇其孝烈邑貢生余螭有逐虎行

張積朗妻陳氏生一子而夫喪撫子又喪貧苦萬狀餽粥鷄衣直至沒齒知縣王之夫廉其節旌之

中潢盧宣雲妻陳氏坊市陳其瀾女年十七嫁歲餘而雲逝舅姑憐其年少無出勸令他適陳痛哭欲自經不得間一夕盡截其髮割左耳以示姑悲啼不輟左目又眇氏工針耑雖嚴寒猶篝燈床壁終宵不就枕而半身已槁積所有買田以供夫祭養從子觀海繼祀海南八月鞠育教誨竭盡心力卒年五十乾隆元年建坊旌表

觀海邑庠生

按陳氏忍苦三十餘年御冬惟一棉衣歲加補綴鷄結重疊至於重約七斤病危命畱示後人已而嘆曰守志

婦人不幸事殊不願後之人有此其以殉可也嗚呼若陳氏者真可謂苦節矣

石口熊起茹妻葉氏夫喪時子英方三歲抱痛不欲生其姑泣曰身老孫穉唯恃汝也葉承姑意辛勤撫子自守家賴

以振雍正十三年建坊旌表

英太學生

石孔文妻張氏乾隆五年建坊旌表

李仲玉妻劉氏玉故生子甫月餘無親屬可倚辛苦自守乾

隆四年追表其節建坊旌表於西門

子邦柱邑庠生孫泳監生

港北李素松妻劉氏劉仲明女年十八生子萬端未兩朞而夫卒舅姑欲奪其志劉抱孤兒痛哭闔戶欲自經卒不可奪萬端妻熊氏庠生熊登軾女生子國垣甫七月端復喪三世一息熒熒相依撫藐孤以自存乾隆四年旌建雙節

坊國垣太學生

黎氏檀塘黎惟吉女許配劉宗清未嫁而清夭女聞絕粒堅臥不起有以往奠給之者遂起易衰麻竟往喪次哭拜守志以老乾隆十年旌表建坊

大田盧奎妻王氏事姑孝謹奎應省試客死訃至痛哭不欲生姑勉以撫子成立為大王氏涕泣謂子曰汝能讀書吾可以見汝父於泉下延師督課子晶發憤於學為名諸生乾隆十五年旌表建坊

盧焰妻徐氏年十九而嫁未幾夫病革請以身殉焰諭以事

姑攜叔大義乃遵夫命忍死而守支持經紀諸叔賴以成立而卒大其家又立姪以繼夫嗣乾隆三十年建坊旌表

羅賓籲妻盛氏貞公女年十八適賓籲籲舌耕自給無以奉

親氏勤針黹佐饘粥得舅姑歡及顓沒氏年方二十六遺
兩孤兒朝不謀夕親族哀其窮欲變其志氏泣曰死則死
耳偷生作二姓婦不忍爲也遂截髮以謝言者初顓柩在
堂城中火及隣氏抱棺大痛願以身殉俄而反風滅火卒
獲無恙咸以爲精誠所感云氏年九十五孫州同羅其亨
請旌乾隆三十三年建坊旌表賓顓坊
市人

昇仁鄉聶瑞明妻余氏年十八歸聶甫聶瑞明病革屬余氏
曰家貧無子孕男女莫測汝其自圖余誓以不二瑞沒截
髮附殮後產女痛哭幾斃戚屬諭以姑老夫乏嗣將奈何
遂辛勤奉養姑病噎二載針黹侍湯藥弗懈撫姪翼廷爲
嗣乾隆四十六年詳請建坊

葉大備妻成氏乾隆二十八年請獎給清標彤管四字

石口熊垣妻湯氏年二十三垣沒無子唯遺屋一間鬻以舉
喪依嫠妣居而自食其力服闋父母迎歸陰令媒氏擁輿
至將強奪其志湯氏大怒務面截髮號哭而還渡石口河
指水誓曰湯氏而易節反顧者有如此水伯叔憫其無嗣
議所應繼者湯氏泣謝曰誠大義顧無能爲撫養地願以
身後或死前數刻立之吾生則與亡夫同受無兒之痛聞
者愴然平居唯治鍼黹以度日雖不給亦不乞憐於人年
荒斗穀百錢饑且病有同族贈以石粟湯氏曰未亡人無
受贈之禮寧饑而不敢拜賜卒却之苦節三十餘年通
邑嘆服

伊山口張德什妻盛氏羅墩人年十七歸德什四年什患流
毒盛氏扶持臥起不少怠病兩載什卒有二子皆幼家赤

貧躬任鋤種手指皸裂每採薪則拾松脂夜然力紡緝得米麥以食子自撚野菜煮羹度日或枵腹而強作冬日被絮敝窄僅覆二子自就地爐煨楮治女工達曙常度歲無酒肉親屬有遺肉羹者堅却之唯取雞卵以啖其子其清苦自守如此

盧氏新秀長樂鄉涇汰里盧立綬女幼字鄧支悌悌備舟溺死新秀年十六號泣欲投江以殉母嬖力止不得遂乃擲盃於地誓曰盃不復完義不別適素服悲哀與母寢食一室廢棄膏飾淡然人世三十餘年以貞節終

沙灣余世垣妻盧氏貢生之鵬女年十八適垣生子光先而垣喪舅貢生普明與其父鵬頗憂之盧泣曰兩家皆明經獨不明從一之義耶遂剪髮自誓撫子力學以清操沒世

鄉里嘉之

光先
庠生

涇濱李秉楚妻盧氏年十七嫁五日夫遠遊於外家貧無依歸母家五載聞夫已沒遂縞衣練裙幽居一室日夜紡織事父母以終焉

中潢盧宏佶妻余氏上都余文祿女生一子甫周佶死事繼姑甚孝越三年疾作姑慮其鬱結頗諷令他圖不聽則屬其父母諭之語且煩切余氏仰天泣曰姑不諒吾心父母又不諒吾心吾心真不可諒耶遂大椎胸吐血數升而疾頓愈卒撫其子以成守節凡五十年終

龍溪鄭厚淑妻劉氏年十七生一子歲餘淑死劉氏哀毀不食時家貧舅姑且老三世零丁惟一乳孩舅泣謂劉曰婦死如吾門宗祀何劉氏強起視事奉養撫子辛苦憔悴哀

慘不舒者數十年如一日人無間言

陂田余元昇妻孫氏生一子方待哺昇亡氏忍死食貧撫子鵝衣疏食艱辛萬狀歷五十年以節終

塘盤李氏孝姑幼許字周朝富未嫁朝富遠遊歷久不歸年二十六夫家商以別適孝姑引刀截髮守貞自矢老母兩目俱廢扶持甚謹日夜紡績以供菽水年近七旬十指血癥見者莫不太息

中潢盧宏輝妻王氏事姑以孝聞姑病篤王氏痛戚無計割股作糜以進姑愈延數歲歿王氏哭泣甚哀歷久不衰鄉人皆稱爲孝婦

竹山葉運梅女名大酉少配瀧溪鄭厚甲及笄未嫁厚甲得惡疾貽書休婚父母憐其少諭令他適大酉誓死不從數年厚甲死終不改節年七十餘卒鄉里咸贊之曰貞

黃平坂盧全詩妻余氏沙灣余卓明女年十九夫亡痛欲捐軀舅姑以其有孕再三慰諭余氏斷髮誓不再適生一子舅歿姑老病侍寢進湯藥不離左右姑沒侍柩數月哭哀甚比葬懸姑像奉侍如生閭里咸嗟嘆之

坊市盛賡輝妻羅氏羅六姬之女年十九歸輝家貧姑老輝嗜學羅氏潔滄澹奉姑使夫得盡心於學數歲夫殞一子甫周含泣撫子讀書以繼夫志姑沒子又喪羅氏計窮淚盡與子婦鞠孫鳴哀幽咽以終

長樂鄉余道義妻盧氏童時適余門年十七合卺數月夫客外貧甚老舅乞食數歲夫不歸舅勸其再醮盧氏誓死不
二忍饑寒爲隣婦紡績易米以供舅孤苦貞守至沒齒無

遺憾焉
大田盧全模妻余氏生子宏開甫周模喪姑七旬伯病心風
盧拮据薪水左右承歡二十餘載清苦難名鄰里以孝節
稱之

屏原楊珍士妻張氏懋初年二十生一子夫亡舅姑垂老有
冢婦責涕泣撫子清苦自存足不踰閫雖兄弟至惟門內
問父母安無一他語及子娶婦生孫甫六月子又亡與子
婦張氏隱媛孤燈一室淒然相對以雙節全人皆賢之
長樂鄉盧嶽定妻余氏訓導余文梓女年十八生一子甫周
夫喪家貧姑年七十老病在床伯貧甚叔且有疾顛連萬
狀衣經百結食鮮兼餐義不受憐母家饋遺亦却冰操三
十餘年人皆稱為節孝

伊山潘淳烈妻聶氏年二十烈亡無子痛欲捐軀以舅姑老
強留餘生斷髮明志事舅姑孝舅歿侍姑寢宛轉承歡甚
得姑心清苦三十餘年鄉里矧之

上都余秀明妻胡氏市口人夫病癆瘵剜臂肉以愈疔羸比
夫喪哀泣撫子辛勤艱苦以節自全

坊市張居柳妻盛氏庠生盛來儀女年二十六柳亡一子尙
乳懷中盛氏欲以身殉老姑慰勉以六義哀泣強起事姑
撫子苦節三十年鄰里稱之子炳蔚立元孫紹泰紹祥

潘士烈妻王氏名慕貞年二十夫喪一子家貧躬操井臼食
假辟纊困苦撫子年五十餘以節終

沙灣余道盛妻盧氏太學盧大中女夫亡事姑甚孝守貧撫
子以節自全鄰里賢之

葉桂大妻王氏初事姑病自調湯藥滌垢穢必親任不假侍婢及姑病噎不能穀食幾殆王氏適生女卽溺之而乳其姑病竟愈延活五年前邑令王以孝德題其銘旌

芭蕉里葉期煥妻繆氏年二十餘歲煥與兄嫂相繼沒繆氏矢志守節撫一子三姪備極辛苦族貪財欲令再醮不從強逼之剪髮毀容控諸官卒全其節

下南鄉陳彥文妻盧氏歸陳數年彥文死家貧遺兩孤姑且老盧自誓守節姑病治不瘳割股以進人皆羨其節孝

坊市盛賡烜妻羅氏年十八歸盛生子甫六月烜沒羅欲以身殉孀姑熊氏勉以大義始感悟代夫奉姑足不踰閭雖骨肉至親終年不得一面課子飛騰不少恕補郡庠氏與同族盛明命妻胡氏比隣孀居貞操如一而胡氏尤貧苦

云

廉村葉期經妻吳氏潁水吳儒公女姑早卒小叔幼藉以成立年二十二生子顯周甫暮而經背家極貧菽水奉舅茹荼鞠子艱苦備歷至老如是鄉鄰咸稱爲節孝云

毳浦繆乘湖妻葉氏太學生葉發祥女家貧少寡二子幼風節稜稜然年老如初

石門張大棟妻葉氏廉村葉武臣女年十九生子一周而棟歿不數月翁亦繼喪家貧無以爲喪氏售嫁時服飾治棺葬後素衣百結服之無斃人稱百結寡婦又撫一孤姪視如己子子鵬翼太學生

下汛翁振拔妻鄧氏年十七歸翁次年生子蘭甫周而振拔卒時拔生母早世異母弟幼氏撫棺泣誓曰臣死忠婦死

節夫死妾忍獨生乎妾死孤將焉託也雖然速則三載遲則十年必相從地下亡人其鑒之後十年氏果卒蘭少補邑廩生蘭子壽春太學生娶坊市盛嘉豫女年二十五生子俊儻甫週壽春病刲股以進卒不起撫孤守節於今二十二年

中堡萬賢裔妻丁氏年二十而夫亡自經以殉姑救之諭以撫孤大義乃忍死苦節值夫忌辰痛哭終日目遂眇長樂鄉黎世仲妻盧氏年十八隨姑偕小叔行乞久雨路滑經深塘高騰小叔失足溺姑急援之亦溺盧氏竟躍入水中救姑遂同死焉

瓜源董立作女瘦姑許配車頭盧昌佑其姪女六姑許配德安曾某皆未嫁而夫外出不歸誓不再配姑姪一室相依爲命卒全貞焉姑年七十而終姪年五十四而終

鍾峰宴妻楊氏年二十三夫亡一子翁叔迫令改嫁不從翁怒不與田產楊乃自種山糧度日備極勤苦有謝某貪其力作多金謀娶翁將強勒之楊覺先一夕自經死里人言及輒爲嗟嘆

潘氏名桃者農家女也贅中村徐可人生子而可人死桃扶襯還葬里人謀娶之劫昇入室桃給之曰至此事寧不諧但須先見君母一拜耳許之桃哭跪母前不起母爲動遂與同寢處里人不敢犯百端誘脇終不屈急則投繯凡五日夜而里人被捕矣先是母陰使人告桃兄來迎桃兄遽控諸邑令包捕而笞之並懲其黨而嘉桃能抗節旌以綵帛張樂送歸然竟以慙憤抑鬱死年二十有二

後街庠生張九如妻劉氏赤岡人年十八適如如負卓犖才落落無所合遂賣志以歿氏年方二十四一痛而絕稍甦泣謂二子吉台曰舅姑老爾輩無知不敢以一死塞責乃隱忍自誓竭力供菽水奉養如禮課二子皆有成辛勤五十餘年克成夫志邑令徐又達旌曰節孝之門

中潢盧宣猷妻余氏年二十六夫亡家貧甚養姑育子備歷辛苦且慮力難娶媳抱女孩哺之氏斷乳十餘年而乳汁湮流卒賴育成完婚生孫人謂苦節之報云

黃陂黎秉元之妻王氏事姑能孝年二十二元沒子顯榮甫六月無期功親每抱兒泣曰三世一脈賴此耳飲水淪雪撫成其孤歷四十年如一日也

長富張宏圭妻洪氏中村洪幼白女生一子圭亡勤勞撫孤

方成立而天子婦余氏僅生一子余以青年孀與姑一室冰霜凜冽相依爲命邑令宋調元旌曰松筠偕勁洪年八十二卒曾孫聯翼貢生聯翰監生

中村洪能遠妻成氏生子鳴鳳甫兩月遠亡成撫一孤艱辛備歷且事後姑如所自出其姪婦患癱瘓成與同衾褥寢處不忍離亦爲人所難者

灑溪劉曰現妻張氏年二十四現沒遺孤超甫六歲有欲奪其志者誓死靡他己而子婦相繼逝而孤孫復夭乃繼斯裕艱苦萬狀鄉里哀之

月臺黎兆時妻嚴氏年二十五夫歿撫二孤清操辛苦以成立之長子天長孫隆玠侍嚴病篤割股救未濟旋亦疾沒玠妻陳氏年十九無出矢志不二紡績勤樸一踵嚴氏芳

躅人稱雙節濟美云次孫聯陞吏員

潘仲司妻張氏年十七歸司家極貧姑病癱瘓調護五年如一日人以爲難及姑卒司亦繼卒張氏艱苦貞一以終年豐鄉果洞盛學榮妻周氏年十九榮卒無子舅姑老夫弟械尙少家貧採蕨爲食卒不改節孝事舅姑生養死葬皆氏力撫械三子襁褓提攜如己出皆天喪械幾死周泣勉之曰叔死吾一門乏祀何以見爾兄於地下乃鬻產再娶家益窘周泰然後舉二子周躬自保護皆成丁年七十猶素服如常云

瀧頭鄭自天妻傅氏年十四歸鄭親侍曾祖姑及祖姑歡咸適意十九自天卒子秀萬甫二歲庶姑奪其產欲嫁之傅截髮自誓乃止家旣窘撫子抱媳恃紡績針黹爲生及見

孫秀萬復天喪傅撫卹四子辛苦備嘗又父歿分寧氏出金負骸歸葬亦其孝也

坊市張玉臣妻羅氏年十八歸張生三子年二十五玉臣死三子甫兩月羅稱貸殮葬後閉戶自經隣婦救之曉以撫子大義氏悟乃截髮自矢專恃紡績每逢生辰忌日奠麥飯和血淚至年六十餘猶如故人咸哀之知縣陳瑞球給彤管遺徽額知縣尹作翰給竹貞其節額孫監生人驪

月田田儂年妻潘氏坊市潘池元女襁褓時歸儂舅姑視如己出潘氏亦孝養備至年二十六生一子甫二歲儂年死氏艱難守志歷三十年如一日没年六十二子漳太學生昇仁鄉太學生葉成棟妻程氏興國州程應哲女遊擊程萬年妹年十九適棟棟死遺孤幼氏撫之成立嚴督課不少

姑息奉舅姑曲意承歡如棟在日鄉里難之程尤明大體
不惜貲財族某死無所歸氏置棺殯殮服姪某貧不能婚
氏爲之娶以延其祀又節孝餘事也

烟港方德皆妻黃氏破石王孔亮妻梅氏俱善事姑姑病封
股救之延活數年

萬賢清妻田氏 盧五奇妻余氏

盛士孟妻李氏 盧宣科妻方氏

沙灣余文伉妻盧氏 洪啟楸妻鍾氏 善事姑姑病
封股救之

已上俱夫亡無子以節自全者

吳國錦妻羅氏 萬午元妻陳氏

坊市武舉盛士升妻王氏 黃陂張五美妻盛氏

港下庠生盧鵬妻舒氏 坊市葉光煒妻汪氏

江陰鄉王啟周妻潘氏 塘盤李豹文妻陳氏

黃陂張大忠妻李氏 羅坪余亮臣妻胡氏

沙灣余汝楠妻盧氏 江陰王永秀妻甘氏

石壁余汝璜妻盧氏 江陰方學惠妻胡氏

塘盤盛賡燧妻陳氏 曲池張天惠妻王氏

長樂余熾明妻盧氏 江陰蕭乾備妻邢氏

江陰姚在文妻謝氏 上南鄉尹年夫妻羅氏

羅坪余世禧妻盧氏 饒灣陳彥品妻盧氏

已上俱夫亡家貧撫子全節者 梁志

盧兆明妻余氏乾隆庚午姑病氏封股和糜以進姑愈三年
而卒後繼姑病氏復封股療之時氏年逾五十創甚幾殆

鄉鄰亟稱之 府志據冊
新增

余汝科妾熊氏汝科年四十無子納氏爲妾時年十五越七年甫娠而汝科歿遺腹生一子氏殷勤乳哺及晬而子妖氏哭之慟曰吾所以不死者爲余氏存一綫耳今且何望哉夜投竹節潭而死府志據冊

昇仁鄉瞿志開妻劉氏定祥之女年二十夫亡家貧撫兩晬孤輝先負土成墳翁老病沒如禮殮葬姑年八十七久寢疾服事不懈訓子成立苦節五十載嘉慶元年 旌表

昇仁鄉劉廣蕃妻盧氏年二十二夫亡無子氏苦節嘉慶十九年建坊 旌表

昇仁鄉太學生葉挹霖妻陳氏湖北興國州監生陳光女生子世芙甫五十日挹霖死氏守志世芙旣冠爲娶成氏未幾世芙又死成氏無出志如其姑氏爲立承祧子嘉慶二

十二年建坊 旌表

昇仁鄉熊高熠妻冷氏簡臣女夫病革語氏爾年少無子我死盍改嫁氏哀泣剪髮以誓已而孀居尊嫜八旬安寢食撫繼子於成嘉慶二十三年建坊 旌表

坊市林蒼涵妻劉氏北鄉監生劉循南女歸六年蒼涵讀書櫻咯血疾遂不起子生三齡翁職員林二存老病癱瘓氏強起視事俯仰辛勤十有六年而卒後其子遷建節孝祠

費金三百餘緡邑進士霞浦令張富經有記鐫石祠內氏遺命也嘉慶二十五年建坊 旌表子材順監生

順義鄉周逢傑妻余氏世選女夫亡五月生遺腹子氏守從一義撫孤旣立家益豐嘉慶壬戌辛巳歲飢出廩粟活鄉

里道光二年建坊 旌表子化南職監生

黃溪盧一岑妻徐氏安樂鄉監生徐彰錄女一岑好學不永
年無子氏求夫子後從容以守既十八年夫兄舉子塹撫
爲嗣繼姑余病痢氏調湯藥滌垢穢寢處不暫離愈而後
已道光三年詳請 旌表建坊

黃陂太學生張蔚雲妻劉氏坊市劉遇南女夫亡時子六齡
翁老病相繼亡氏事繼姑持內外政其弟占鰲爲邑名諸
生延之教子隆以師禮有從姪少孤母出醮氏撫之昏讀
如其子道光三年詳請 旌表建坊子文亮監生

上南鄉貢生葉大椿妻林氏坊市醫學林球元女歸葉三載
夫亡無子氏誓守撫姪文枝爲嗣性方嚴孀居後益自刻
苦親調甘旨得姑歡家政內外倚之爲未亡人幾二十年
抱病在床將不起會邑書院勸捐者至氏曰吾夫子讀書

早世今文枝能讀父書吾死瞑目義舉不可謝也出若干

金勸之道光四年詳請 旌表建坊

伊山潘崇武妻李氏生子甫週夫亡苦節四十三年督學王

鼎給苦節完貞額邑貢生李蓋有傳孫運良廩生

長樂鄉盧宏耐妻余氏監生余大鵬女生子數月夫亡苦節

三十七年督學王鼎給苦節守貞額子之英監生

昇仁鄉黎儼亭妻張氏安樂張悅文女夫亡無子撫兄子爲

嗣苦節四十二年卒年六十督學王鼎給柏節松齡額

章疇五妻胡氏生子二夫亡苦節四十三年知縣尹作翰給

操比松筠額

北鄉李國琳妻劉氏年豐監生劉之元女生一子夫亡苦節

四十五年知縣尹作翰給冰霜勵志額子道盛監生

洋井羅特才妻王氏生子四齡夫亡苦節六十餘年知縣尹作翰給潛德延禧額

坊市盛遇夔妻熊氏順義庠生熊遇周女生子五月夫亡苦節三十餘年母子貧病相繼死知縣尹作翰有苦節詩見藝文

長樂鄉余去華妻盧氏全法女去華死無子氏瀕死者再強起葬夫營大壙虛右痛鬼之餒歸田於祠奉夫主入耐歸屋與園於族囑守墓綢繆數月事定氏更衣履密縫之面夫主投纆而死時嘉慶十八年十月廿八日氏年二十有九歲也知縣尹作翰有紀烈詩見藝文

年豐鄉太學生王國生妻徐氏所欲女生子一夫亡苦節三十年知縣李給節壽可風額南康訓導邑人王崇德有傳

河口劉盛棟妻翁氏下泐翁振達女年十七夫亡生遺腹子世承既抱二孫世承又死孀媳徐氏相依翁苦節今五十九年知縣言朝樾給護堂節壽額

東溪玉德洸妻潘氏坊市潘德煒女夫亡遺孤子甫八月氏撫之及成童而殤尋撫姪孫昌銘嗣其子氏苦節五十三
年知縣陳雲章給節比松筠額

洋井羅甫程妻汪氏生子數週夫亡氏苦節十九年知縣陳雲章給節操堅貞額

昇仁鄉張笏廷妻聶氏敏達女生子二夫亡守節於今二十六年知縣陳雲章給節比松筠額

一都葉光藻妻車氏夫亡子掄輝先松俱幼氏苦節五十六年知縣陳雲章給白首完貞額

昇仁鄉夏光芹妻黎氏景福女生子一夫亡氏苦節三十一年教諭項珊給芳流彤管額

江陰鄉盛遇梧妻吳氏坊市吳泗女明經吳嘉言女弟生子一夫亡某聞婦賢謀娶媒者來厲辭謝絕壻家迎養爲事姑弗往也苦節三十一年卒教諭項珊給玉壺冰潔額

江陰鄉生員邱林妻何氏夫亡無子撫姪志萬應鷗爲嗣氏性幽靜御下慈惠尤愛讀書嘗捐百金於家塾苦節於今三十九年教諭項珊給瑤池冰雪額志萬妻鄧氏坊市鄧蘭女年二十一志萬死無子撫姪銓純爲嗣守節如其姑於今二十六年應鷗監生

下南鄉邱子遜妻羅氏生子二夫亡紡績養姑撫其子皆有成苦節五十四年教諭項珊給幽壑松筠額子德隣監生

德馨監生孫雲監生曾孫英佐庠生兆綸監生嘉謨附生
文蔚廩生元孫攀桂附生

車朝珍妻劉氏義寧州劉欽首女生子二夫亡苦節四十四年萬文恪公承風給孝筍貞松額

曲池張名仕妻陳氏延朋女歸名仕生子益旺女引姑名仕死陳守節四十三年旺娶黎氏應璣女生子先濟甫七日而旺死黎事姑守節於今四十七年引字二都黎以銑未嫁銑死引依嫂事母守貞四十五年姑媳女一門三節焉

完塘翁俊曜妻胡氏君仁女年十八未嫁聞俊曜訃泣告父往奔喪父以聞翁使來阻之誓死不二遂衰經歸奠夫靈拜舅姑大哭入闔內數旬後起治中饋與家人同作苦撫從姪英學爲嗣守貞四十餘年而卒

羅灣葉棐宣妻鄭氏湖北興國州鄭立萬女年二十八生子

二夫亡守節於今四十年 子長齡貢生鼎新監生

夏家莊呂其型妻張氏建邑張宏士女年二十六生子一夫

亡守節四十六年

昇仁鄉畢富會妻熊氏國義女年二十九生子五夫亡守節

五十四年

昇仁鄉畢其增妻劉氏國枋女年三十生子二夫亡守節二

十一年

呂肇斌妻馮氏建邑舉人馮家棟女年二十四夫亡無子撫

夫兄子正紳為嗣守節三十六年

中黃生員盧志紱妻余氏世近女年二十六生子一夫亡守

節三十五年 子盛洵監生

壁田余興樂妻盧氏彥魯女年二十五生子一夫亡守節於

今三十一年

中泮盧宣城妻孫氏國楨女年二十九夫亡無子撫夫弟子

定註為嗣氏守節於今三十年

鴻嶺盧宣溟妻崔氏祥賢女年十九夫亡守節三十九年

楓林程象東妻余氏定輝女年二十七夫亡守節於今三十

二年

中泮盧正英妻梅氏秉禮女年二十二夫亡守節於今三十

五年 子盛沂監生

順義鄉仰高祥妻雷氏年二十三生子一夫亡守節於今三

十五年

壁田余興樸妻王氏啟純女年二十八夫亡無子撫夫弟子

為嗣氏守節於今三十三年

長沙胡廷聰妻余氏定輝女年二十六夫亡守節三十八年

上灣盧宣本妻余氏邑增生余心紱女年二十四夫亡無子

撫夫兄子定燭為嗣氏守節於今二十九年

劉家山劉洪猷妻徐氏監生徐庭秀女年三十夫亡無子撫

夫兄子景珧為嗣氏守節五十三年

渡頭舒國明妻李氏生子一夫亡守節四十餘年

羅坪余興野妻盧氏年十九夫亡守節於今二十八年

羅坪余興藻妻張氏坊市生員張煥壁女年二十五生子二

夫亡守節於今二十五年

坊市潘文銘妻劉氏年二十九夫亡守節於今二十六年

羅坪余汝諱妻盧氏燧春女年二十八生子一夫亡守節於

今二十五年

羅坪余興準妻潘氏映秋女年二十七夫亡無子撫夫兄子

賢栝為嗣氏守節於今二十五年

饒灣陳璋妻田氏耀谷女年二十九生子二夫亡守節三十

五年子大畧邑庠生

石坑徐廷亮妻王氏年二十六生子一夫亡守節四十三年

豐良熊高墳妻盧氏其志女年二十七生子一夫亡守節四

十四年

年豐鄉王利勝妻羅氏年二十六生子一夫亡守節三十七

年
饒灣嚴顯禮妻黃氏年二十生子一夫亡守節六十二年

羅曉盛遇仁妻張氏必錢女年二十八生子二夫亡守節三

十八年

內蕪胡益燕妻陳氏年二十八生子二夫亡守節四十一年
百樓劉愈金妻陳氏坊市陳饒南女年二十八生子二夫亡

氏守節於今三十四年

孫馨朝舉人

熊達汶妻黎氏年二十四夫亡無子撫姪文鳳爲嗣守節五
十二年

北鄉李啟焯妻傅氏年二十七生子一夫亡守節四十二年
昇仁鄉生員劉拭妻戴氏年二十二生子一夫亡守節四十

年

坊市汪岐珊妻崔氏年二十八生子一夫亡守節六十二年
北鄉李騰軻妻潘氏年二十五生子一夫亡守節於今五十

六年

地坪陳繼案妻喻氏宏業女年二十九生子一夫亡守節於

今二十六年

下南鄉鄧朗融妻邱氏監生邱德輝女年二十二夫亡無子

撫姪運孚爲嗣守節三十九年

下南鄉太學生鄧照妻賴氏義寧州賴建章女年二十九生

子二照亡氏守節四十四年子復初娶萬氏卓夫女年二

十六生子衍琦復初又亡萬守節於今二十九年

石勝道妻柯氏武章女年二十四生子一夫亡守節四十餘
年

三卷源盧愈樸妻王氏鹿州統仁女年二十九生子三夫亡

守節三十七年

上堡周士國妻鍾氏貴萬女年二十九生子一夫亡守節於

今二十八年

坊市謝之蘭妻姚氏生員姚一瓊女年二十生子一夫亡守

節於今四十年

順義鄉喻仁滿妻周氏年二十八生子一夫亡守節四十五

年

北鄉太學生盛韻妻洪氏年二十四生子明嶼韻亡洪守節

五十餘年媳吳氏年二十九明嶼亡吳事孀姑守節於今

三十八年

江陰鄉瞿萬彩妻蔡氏年三十生子三夫亡守節於今五十

一年

江陰鄉盧發魁妻蕭氏年二十夫亡無子撫夫兄子為嗣守

節三十八年

梅林李汝煥妻楊氏年二十五生子若筐夫亡守節四十一

年

坊市鄧暄妻喻氏年二十七生子一夫亡守節於今三十七

年

龍腹汪大望妻鄧氏坊市鄧兆光女年十九夫亡守節四十

年

下南鄉盛賡鈞妻陳氏年二十二生子一夫亡守節十五年

講杜村廩生潘遇機妻劉氏百樓劉六成女年二十三生子

一夫亡守節四十八年孫文光少失恃劉撫成人道光壬

午十二月十三夜劉病篤文光割股肉以進一門節孝人

尤稱之

饒灣陳延蕃妻汪氏北鄉汪德顯女年二十八生子一夫亡

守節三十七年

新縣鍾琳萬妻舒氏仁俊女年二十二生子一夫亡守節五十八年

坊市盛昱華妻方氏年三十夫亡無子撫姪賡堦爲嗣守節三十五年

北鄉張達連妻汪氏年二十九夫亡氏撫孤守節四十餘年

黎文曹妻張氏年二十六夫亡張守節四十八年黎獻典妻

劉氏年二十七夫亡劉守節四十九年黎忠銳妻王氏年

二十三夫亡王守節十七年文曹獻典忠銳俱梓塘村人

姚際盛妻林氏監生林應宣女年二十三生子一夫亡林守

節三十八年姚華極妻李氏勝葵女年二十九生子三夫

亡李守節五十年際盛華極俱下南鄉人

下南鄉舒德松妻王氏新縣王合璜女年十九生子一夫亡

守節三十六年

下南鄉謝其江妻鍾氏上南鍾春輝女年十九夫亡無子撫

夫弟子爲嗣守節五十二年

坊市張灼啟妻吳氏年二十六生子一夫亡守節五十餘年

建富鄒安鈿妻方氏節文女年二十九夫亡守節三十五年

建富蘓曰敬妻方氏呂文女年二十三夫亡守節五十七年

建富鄒民森妻盛氏尙誠女年二十八夫亡守節四十二年

五都余世順妻王氏年十九夫亡家貧無子守節四十三年

下南鄉陳越朝妻林氏年十八生子一夫亡守節四十四年

安樂鄉鄧應華妻張氏年三十夫亡生遺腹子家貧撫孤守

節二十三年子載芳職員

昇七鄉柯勝貞妻劉氏魯溪劉廣書女年三十夫亡守節二十七年

安樂鄉余良潛妻黃氏年十六夫亡無子撫姪繼佩為嗣氏守節於今三十七年

上南鄉葉緯才妻羅氏年二十二生子一夫亡守節三十年
孫有聲 邑廩生

順義鄉胡為水妻劉氏年三十生子二夫亡守節三十餘年
杜溪盧宏轅妻甘氏年三十生子一夫亡守節四十年

良溪柯允青妻陳氏年二十七生子一夫亡守節六十年
桃符黃坤仁妻葉氏年二十三生子一夫亡守節四十八年

江陰鄉蕭英紳妻盧氏年三十生子三夫亡守節二十五年
楊港余異石妻張氏生員張仲湄女年二十二夫亡守節十

六年

北鄉勘頭黃應泗妻湯氏年二十九夫亡撫孤守節五十二年

仙壇村王時經妻劉氏祥衍女年二十六生子二夫亡守節五十餘年

長樂鄉李燦堂妻盧氏年二十六夫亡無子撫姪良滿為嗣守節二十七年

沙田李星梅妻張氏澄世女年二十七生子二夫亡守節二十一年
子守環庠生

昇仁鄉黎隆珊妻張氏曲池張及萬女年十七生子一夫亡守節六十餘年

花柳周賢楷妻曾氏年二十三生子焜勳賢楷死曾守節四

十五年媳方氏年二十五生子二焜勳又死方守節於今三十八年

坊市張惕若妻葉氏年二十四生子一夫亡守節三十二年
下南鄉陳兆陞妻王氏靖安王憲珍女年二十二夫亡子殤
撫姪玉麒爲嗣守節四十九年

一都李龍孝妻盧氏俊池女年三十生子一夫亡守節於今二十八年

下南鄉賴光烈妻李氏年二十生子一夫亡守節五十一年
羅山黎國瑞妻邱氏年十六夫亡無子撫姪祖望爲嗣守節四十四年

昇仁鄉夏光俊妻劉氏斗魁女年二十二生子二夫亡守節三十九年

驛西村林春元妻吳氏年二十七生子三夫亡守節三十一年

長樂鄉李敬賢妻盧氏年二十五生子二夫亡守節二十八年

中潢盧定培妻舒氏卓成女年二十四生子一夫亡守節於今四十餘年

江陰鄉方秩明妻王氏年二十九生子一夫亡守節於今三十年

坊市林啟清妻張氏年二十九生子二夫亡守節於今三十二年

坊市盧藹妻王氏水口王聖臣女年二十七夫亡氏撫孤守節二十八年

羅溪葛青園妻黃氏，勘頭其萬女，年二十八夫亡，撫孤守節四十餘年。孫方泰監生，方拔增生，方掄舉人。

坊市張之釗妻潘氏，伊山潘崇厚女，年二十五生子，一夫亡，守節於今二十九年。

何家舖石醒愚妻余氏，七都余次祥女，年十九夫亡，無子，撫姪勝玠，爲嗣，守節於今四十餘年。

安樂鄉石全謫妻潘氏，從耕女，年二十六夫亡，無子，撫姪勝瑞，爲嗣，守節三十三年。

昇仁鄉張志浴妻吳氏，年二十五夫亡，無子，撫夫兄子揮楫，爲嗣，守節十三年而歿。

建富李呈杵妻盛氏，邑廩生盛世麟女，年二十一夫亡，無子，守節十三年而歿。

楊港余穆臯妻朱氏，監生朱昌壽女，年二十九夫亡，守節三十三年。

官田李映彩妻周氏，年二十六夫亡，無子，守節五十年。

夏莊盧全珣妻黃氏，年二十四生子，一夫亡，守節三十六年。

上南鄉楊約雲妻張氏，聖環女，年二十八夫亡，無子，撫姪德虎，爲嗣，守節二十年。

北鄉李呈思妻楊氏，年二十七夫亡，氏撫孤，守節於今五十六年。

北鄉勘頭黃世瑜妻湯氏，年二十九夫亡，撫孤，守節於今五十六年。

滁陽村李五達妻張氏，愛姑嚴陽山教文女，年二十生子，元五達死，愛姑守節五十五年，元妻張氏翠雲生員張

敬修女年二十五生子騰萬電元死翠雲守節二十三年
年豐鄉曹光德妻劉氏義寧州劉星輝女年二十七生子一
夫亡守節二十六年

昇仁鄉聶華清妻潘氏崇源女年二十一生子一夫亡守節
四十三年

桐林汪印云妻田氏年十九生子一夫亡守節於今三十三
年

江陰鄉邱如玉妻余氏年二十一夫亡無子撫姪志義為嗣
守節五十年

魯溪劉尙灼妻羅氏年二十八生子一夫亡氏守節於今三
十五年

下南鄉鍾雲遠妻王氏令瓚女年三十夫亡子早殤撫姪隆
綬為嗣守節十九年

江陰鄉張宣幗妻盧氏年三十生子二夫亡守節於今三十
五年

長樂鄉盧宣梅妻胡氏江陰胡明藻女年二十六生子定灼
夫亡胡守節於今四十五年定灼妻張氏坊市 誥贈

武翼都尉張立元女年二十四定灼死無子撫姪正垣為
嗣守節於今二十六年

蕪田萬承璽妻吳氏年二十六夫亡撫孤守節四十五年
孫選

北鄉廖學瀛妻王氏象葵女年二十生子一夫亡守節二十
員青生

坊市鄧永年妻李氏楊浦李應周女年二十一生子一夫亡
一年

守節三十一年 子匡本生員

下南鄉羅元立妻鄧氏年二十九生子二夫亡守節三十五年

一都葉光朝妻李氏年十六夫亡無子撫姪先瑋爲嗣守節三十一年

北鄉明大週妻羅氏元魁女年二十八生子一夫亡守節於今二十七年

年豐鄉徐永錫妻曾氏偉儒女年二十五夫亡守節於今五十四年

揚洲李貽銀妻趙氏生子二夫亡守節三十五年

年豐辛於俊妻張氏維信女年十八生子一夫亡守節五十六年 子有光監生

江陰鄉張遇拔妻盧氏夏庄盧隱川女年二十五生子二夫

亡守節三十一年

一都李學勇妻梅氏年二十六夫亡守節五十四年

一都梅天涯妻汪氏似春女年二十三夫亡守節三十年

湯民現妻李氏貽良女年二十二夫亡守節於今四十三年

年豐鄉上塘王炳庭妻劉氏年二十六夫亡守節四十二年

安樂鄉王天梅妻張氏年二十六夫亡守節四十六年

下南鄉柯勝琮妻劉氏廣昌女年二十生子一夫亡守節於

今三十五年

魯溪劉東承妻潘氏生員潘道泰女年十九夫亡生遺腹子守節五十三年

昇仁鄉劉賢何妻徐氏年二十二生子一夫亡守節二十餘

年

昇仁鄉劉昆榮妻周氏有餘女年二十一夫亡守節五十三

年
柯演時妻熊氏家初女年二十夫亡生遺腹子守節五十五

年
昇仁鄉陳繼波妻劉氏尙源女年二十一夫亡守節五十年
三絹源盧文甫妻翁氏下泮翁茂興女年二十八夫亡守節
六十五年

上南鄉楊定崑妻周氏旭南女年二十一夫亡無子撫姪瑤
祖爲嗣守節於今三十年

昇仁鄉聶標龔妻張氏年二十九生子一夫亡守節五十六
年

坊市盧正槐妻張氏炳蔚女年二十一夫亡守節二十九年
劉新妹父守素生甫週字柯愈璉抱養於柯五歲愈璉殤九
歲其舅以配周姓子新妹不知十三歲周姓子議娶始聞
之新妹慟哭投水其舅救止以不醮給之乃安及十七歲
周姓子復議娶請期二月二十七日姨母來爲作嫁履新
妹曰盍先素者問何用曰嫁必除服二月十二夜與姨母
同寢樓上詰朝新妹晏起姨母先下樓遂穿素履以被蒙
面端坐自經而卒時乾隆二十年乙亥歲也周姓子聞女
死重棄聘錢與其舅爭鳴於官守素不忍女以正面蒙詬
赴縣告實邑令鄒公應元聞之驚異擬爲請旌會報最去
終不果後十四年教諭貴溪蔡銀偕同學劉開屏夏曰瑚
等伐石封墓爲傳鐫於墓碣上

謝春姑坊市謝文良女幼適邱遠朋殤春姑既除服歸母家依弟婦姚氏孀居守貞數十年年七十一而卒

葉望娣南鄉人字坊市林良譜未嫁良譜訃至父母秘不使知望娣忽曰女夢郎至與訣郎病必危始告之故望娣請歸臨不許且陰爲改字他姓望娣尋知以天日自誓遽返其聘遂幽憂成疾後良譜數月卒彌留時告父母必斬衰殮女父母重違其意終以林氏婦禮葬

石十姑頭陀村石有義女年十七字某姓子未嫁而某姓子殤十姑守貞母家卒年六十二歲邑生員石璜有詩見藝文

石成妹東渡石文鳳女年十五因舅氏作柯誤字於僕隸子旋覺父母怒廢前議將他配成妹守從一義跪泣以請不

許遂潛身赴水死邑生員石璜有詩見藝文

陳思書妻方氏贊堂女幼抱養於陳配思書生一子思書病瘵不起氏絕食求死家人朝夕防之一日忽展顏防者稍踈氏於床解帶繫柱自經時嘉慶乙亥歲二月初十日距夫死期五日云

何家舖石勝玲妻盛氏坊市舉人盛元績女玲病篤臥床氏潛割左股以進玲卒不起氏哭之慟水漿不入口者三五日以爲常兩立承禔子俱殤遂憂鬱成疾不數月卒

鄔氏監生樹勳女及笄嫁楊州李浣池性至孝十歲時侍母病輒不能眠食母鍾愛之既事姑如其母母暴病卒訃至氏號踊別姑匍行數里抵家入殮所一慟而絕時氏年四十七也

補遺

潘廷鸞明嘉靖間人父株峯初字女於某姓子未嫁某姓子
亡父欲更字他姓廷鸞誓不二依父母居以終嘉靖丁丑
年三十卒今里人尙名其地曰貞女墳



女武事

武事前頁

女孫氏叛將宛武寧家人多避匿孫有與長如自徒行賊追至赴水死

妻吳氏冠亂賊乘元草伏身替刀而死元草得生

母孫氏日煥喜董氏日起喜懼氏冠至錦似三人連袂赴地死

妻葉氏罵賊被官冷幼伶事期人被兵持刀不絕口割舌而死

市遺其姪戴得古流落武寧但見父愛甚不以女妻之復古室有妻也婦歸時以突告女女笑之
乃解釋并助以資戴去遂赴水死

身才故孫成婚知字仁初湯有欲未嫁夫死無子其母隨祖文都任武寧祖在於官遂家焉身志

高新字其姓未嫁夫亡依父母以終 一母生鼎一經事冷氏夫亡与孀姑共守

陳氏字兄弟皆居性忠瘞俱死女病夫前死祀於祠自燬而死

林氏閩賊亂後被官及長媳羞死副媳王氏相抱赴水

氏以据切子扶姑過賊二獲姑將刀之氏請釋姑願隨以行賊信之姑去已遠居其家賊遂与幼子俱

一慮此現他出姑与叔卧病屋破壁墮擡出苦急過之其意叔取姑其適及奮起大擊屋瓦去

產狂多明日臨危力尽大呼而死 潘朝富妻李氏未嫁夫遠去不歸夫家高以別適引刀截髮存母終身

蔡氏未嫁夫亡往夫家守貞 一即支憐妻方氏年十六未嫁守貞 鄭厚甲妻葉氏未嫁守貞

以未嫁聞使懼計安往存表皆死不 守貞夫殺及身迎歸終身其志氏勢面前髮悔哭不釋

一以夫亡躬任锄種十指艱艱每採薪拾松脂夜燃以照紡績夜寒與被絮環榻治女工意旦

同德康氏李棠松妻并女德然之張宏遠妻張氏同德余氏鍾鼎妻曹黎北時妻李氏孫德隨氏皆

同娘張氏李李原招妻劉氏媳張氏張宏遠妻洪氏同娘余氏薛氏李氏孫氏時妻張氏孫媳陳氏皆
孝奉婆母竭力夫亡有勸令改適自經死

氏陳氏之妻曹氏方德時妻王氏王孔亮妻楊氏俱病皆割股以救

氏薛壽春妻盛氏皆割股以救夫不起矣心者王

氏隨姑偕小叔行乞叔失足落池姑援之亦溺死雖水救姑遂同淹死

氏姑女六姑夫俱外出不歸姑姪相伴以全節終

余氏姑病割股和藥以進姑履可復割股以奉姑姑創甚矣殆

然氏夫死無子投環自尽 余亡節妻李氏夫死亦投環死

武寧次貞傳前寫

氏李氏媳張氏葉葉羅霖妻陳氏媳成氏生有邱林妻何氏媳郭氏郭盛妻賴氏媳葛氏盛額妻洪氏媳

王長指妻曹氏媳方氏李立達妻張氏媳亦張氏俱一家双节

氏陳氏生子旺女引姑召仕卒而旺亦死同媳黎氏相依守志引姑許字黎氏未嫁夫亡同母嫂守貞

女列名新姑抱養於柯連五歲孀其舅改配同姓新妹不從後兩議娶痛哭投水救之遂自經

妻葉氏未嫁守貞 石有善女名十姑配其氏俱未嫁守貞

名成妹悞字僕隸于父怒廢前以成妹守節一義號泣以請不許遂赴水死

氏方氏思書強五日即自經死 石勝珍妻何氏夫病割股以救不起立健又孀遂以唇奉

如楊州李浚池性至孝母暴病卒計至別姑自行至殮所一恸而絕